



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimæ, ad Dominicam SS. Trinitatis

Haineuve, Julien

Coloniæ Agrippinæ, 1665

Ad Evangelium Feriæ. De Muliere adultera.

urn:nbn:de:hbz:466:1-44214

17. 57.

gloriæ, ut appareat ejus Justitia, & ut impii terreantur: *Larabitur justus, inquit Pfalter, cū viderit vindictam, manus suas lavabit in sanguine peccatoris, & dicet homo, si utique est fructus justo, utique est Deus judicans eos in terra.* Sed quis sibi prætolat de tali Zelo? quis potius sibi de senō diffidat, & suspectum habeat tale gaudium? Lugendus esset & morte propria redimendus ille casus, & tu exultas? talis exultatio maligna est, vindictam sapit & odium cordis fovet, denique ad verlatur Charitati, *que non quarit qua sua sunt, nec gaudet super iniquitate.* Nam ut est alibi declaratum: GAUDERE super iniquitate, plerumque est iniquius, quam ipsam iniquitatē admittere.

1. Cor. 3.

Feria 5.
hebd. 3.
post Pascha.

II. PUNCTUM.

SED hac vindicta trahit in se pœnam & ruinam inimici.

Nam Deus ordinariè omnem vindictam sic ulciscitur, ut pari aut simili pœna vindicantem se vindicet. Sic enim apertè Sapiens:

Eccles. 2. 8.

Qui vindicari vult, à Domino inveniet vindictam, & peccata illius servans servabit. Et cū toties sibi vindictam & ultionem reservandā testatur Deus in Scripturis, de omni vindictæ modo ac sp̄cie id intelligendum est, ne forte putes te indemnem, quod tu ipse non ulciscaris; Nam gaudere de ruina & vindicta, gravius esse potest, quam si tu ipse vindictam sumeres. Potest enim Judex aut tu ipse per Judicem legitimè queri, & pœnas injuriæ repossere, sed in pœnis illatis non potest ipse Judex aut alius quispiam gaudere, quatenus pœnæ sunt & malum hominis qui condemnatur, unde patet istud gaudium ipsa vindicta pejus esse.

Quod si ex justitia reddita Judex gaudere potest, tali tamè gaudio jungendus esset mœtor de malo proximi, quod nunquam per se est amandum, nec de eo proinde exultandum. *Hec consolabor super hostibus meis, & vindicabor de inimicis meis:* ait ipse Deus supremus Judex; Cum vindictam in hostes parat, illam

dolentis vocem præmittit, *heu*, ut significet se dolere de vindicta sumenda; Tu vero non timebis exultare: aut exultans non timebis ejus vindictam! Tam certa tamen est, quàm certè constat eum, qui se vindicat, sic à Domino vindicari. Te ipsum vindica de te ipso, qui quoties peccasti, telaxisti, *Nam qui faciunt Tob. 14. peccatum & iniquitatem, hostes sunt animæ suæ.*

III. PUNCTUM.

Quisquis igitur ruina gaudet inimici, ruinam eius in se trahit, id est, vindictam & perditionem: Nam si putas inimicum sic à Deo punitum esse propter injuriam & offensam tibi illatam, cur non putabis te puniendum, cū non minus pecces in Deum & in proximum? In Deum quidem patet, quod assumas ejus imperium, & contra ac expressè veruit, ulcisci audeas, aut ultione illata gaudeas, quod æquè vetat ac aliud. Deinde verò in proximum peccas, quod ejus malis gaudeas, quod est directè contra charitatem & ab ea longissimè charitate, quæ reddit bonum pro malo. Unde conclude, quàm sis æquè puniendus ac ille de cujus pœna gaudes, ac proinde quam verè ejus ruinam in te convertas.

Sic se Iob puniendum fatebatur, *Si gavisus Iob 31. sum, inquit, ad ruinam eius qui me oderat, & exultavi quod invenisset eum malum, non enim dedi ad peccandum guttur meum, ut expeterem maledicens animam eius.* Miserum te & miserandū omni modo, qui cū posses Deo, proximo, & tibi plurimum in hoc casu gratificari, Deum offendis, proximum lædis, & tibi valde nocet! *Qui sibi nequam est, cui alii bonus Eccles. 14. erit?* Adverte anima & cū ex his tribus vel unum sufficeret seorsim consideratum, ut te contineres; quanto magis cū tria simul concurrunt ad hunc finem? *Montes Gelboe, nec ros, 2. Reg. 1. nec pluvia veniant super vos, quia ibi abjectus est clypeus fortium, clypeus Saul, quasi non esset unctus oleo!* Sic & pluribus, David de Inimici ruina non exultabat, sed dolebat.

PRO EADEM FERIA QVADRAGESIMALI.

Ad Evangelium, de Muliere adultera. Ioan. 17.

Videti debet in 4. parte, Feria 2. hebdomadæ 19.

S e

DOML